

# Awe ta ultimo dia pa inscribi pa e competencia hubenil Gang di Arte 2013 “Heroe”



**ORANJESTAD** - Na tur hoben entre 14 cu 21 aña di edad cu ta interesa den arte y creatividad, awe diabierna dia 5 di Juli ta e ultimo oportunidad pa inscribi y participa den Gang di Arte 2013.

**ALGUN EXIGENCIA PA PARTICIPACION**  
Competencia Hubenil Gang di Arte 2013 tin como tema principal “Heroe” y cada ho-

ben of grupo, mester interpreta esaki den un manera propio y creativo. Cada presentacion no por ta mas cu 7 minuut y por ta den cualkier estilo y genero artistico y mester ta completamente nobo, original y creativo. No ta acepta ningun clase di copia. Por participa den e competencia den forma individual of den grupo maximo di 5 integrante. Tur

participante mester atende na diferente tayer y encuentro di integracion cu lo tuma luga na Atelier’s 89. Nan ta cuminsa cu e anochi di inscripcion cu ta tuma luga awe diabierna dia 5 di Juli 2013, na Atelier ‘s 89 cuminsando pa 6’or di atardi te cu 8’or y mey di anochi y ta termina cu e anochi final di competencia diahuebs dia 25 di Juli 2013, na Cas di cultura

Aruba cuminsando for di 7’or di te cu 11’or di anochi. Inscripcion y participacion den e proyecto ta completamente gratis. E grupo of persona ganado, lo bay representa Aruba den un intercambio artistico cu ta tuma luga na nos ruman isla Corsou, den e final di nan proyecto titula: “Luna Yen”. E hoben of grupo ganado, lo representa pa un aña

largo Gang di Arte y Aruba den diferente actividad, tanto nacional como internacional. Pa mas informacion tuma contacto cu Sr. Jhon Freddy Montoya na teatroaruba@gmail.com. Busca nos riba Facebook: gang di arte of por pasa libremente durante oranan di oficina na Departamento di Cultura Aruba (DCA) situa banda di misa di Playa. □